




ԼԻՈՆԻ Ս. ՀԱԿՈՒՄՅԱՆԻ ԵԿԵՂԵՑՈՒ ՔԱՆԱԿԱՆ ԵՎ ՀԱՅՐԱՊԵՏԱԿԱՆ ԳՆԱՀԱՏՈՒԹՅՈՒՆՆԵՐ

Հոգևոր քերականի օր էր դեկտեմբերի 18-ը Լիոնի և շրջակայից հայության համար: Այդ օրը անվանակոչության և ուխտի քսաներորդ տարեդարձն էր Լիոնի Ս. Հակոբ Հայ Սուրբեական Մայր Եկեղեցու:

Քսան տարի առաջ էր, 1963 թվականի հունիսին, որ կատարվեց եկեղեցու օծումը՝ ձեռամբ Արևմտյան Եվրոպայի հայրապետական պատվիրակ և Փարիզի հայոց առաջնորդ Ս. Սերովբե արքեպ. Մանուկյանի:

Հայկական դասական ոճով կերտված այդ կոթողը կառուցվել է ժողովրդական հանգանակությամբ և գլխավոր բարերարությամբ տիար Կարապետ Հակոբյանի:

1983 թվականի դեկտեմբերի 18-ին, կիրակի օրը, Մծրնա Հակոբ Հայրապետի տոնի ափսոս, առախտյան ժամը 10-ին, Ս. Հակոբ Մայր եկեղեցում մատուցվում է հանդիսավոր սուրբ պատարագ, որին ներկա էին հարյուրավոր հայ հավատացյալներ: Օրվա պատարագից է հայրապետական պատվիրակի Լիոնի փոխնորդ Ս. Նորվան եպ. Չաբարյանը:

Դարաց դասի երգեցողությունը կատարում է եկեղեցու «Սուփա» երգչախումբը՝ դեկավարությամբ արն. Հովհաննես Պերպերանի:

«Հայր մեր»-ից առաջ պատարագից սրբական հայրը հավոր պատշաճի ոգեշնչված

բարոյ է խոսում վեր հանելով տոնական օրվա խորհուրդն ու նշանակությունը, միաժամանակ ընդգծելով եկեղեցու պաշտպան սրբի՝ Մծրնա Հակոբ հայրապետի կատարած պատմական հոգևոր դերը Հայ Եկեղեցու պայտմության լույսի ներքո:

Հավարտ ս. պատարագի կատարվում է հոգեհանգստյան հատուկ պաշտոն՝ ի հիշատակ շրջանի եկեղեցիներում ծառայած հանգուցյալ հայ հոգևորականների, ազգային բարերարների, ազգային գործիչների ու մշակների:

Այնուհետև կատարվում է մատաղօրիների ավանդական արարողություն, և օրհնված մատաղը բաժանվում ներկա հավատացյալ բազմությանը:

Եկեղեցական սույն արարողություններից հետո եկեղեցուն կից Ազգային Տան սրահում, շրջանի հայ «Տիկնանց միության», «Կապույտ խաչի» և «Կարմիր խաչի» անդամուհիների կողմից կազմակերպվում է ընդունելություն-ձաշկերույթ:

Ձաշկերույթին, Ս. Նորվան եպ. Չաբարյանի նախագահությամբ, ներկա էին Ազգային միության պատմա նախագահ և ազգային բարերար Ճիպրայել Պախաուրյանը, նախագահ Սեպուհ Սարյանը, հոգևոր հովիվներ Ս. Զատիկ արքեպ. Ավետիքյանը, Ս. Բաանակ

քին. Հեքիմյանը, շրջանի տարբեր միությունների ներկայացուցիչներ և հրավիրյալներ՝ շուրջ 200 հոգի:



Լիոնի Ս. Հակոբ Մայր եկեղեցին

Ճաշկերույթի ընթացքում ներկաները հոտորնկայա ունկնդրում են Ն. Ս. Օ. Տ. Տ. Վազգեն Ա Ամենայն Հայոց Վեհափառ Հայրապետի օրհնության և գնահատանքի մի շարք կոնդակները, որոնց համաձայն Տ. Նորվան սրբազանը քահանայական լանջախաչ և հայրապետական սրբատառ կոնդակ է հանձնում եկեղեցու հոգևոր հովիվ Տ. Իսահակ քին. Հեքիմյանին, «Ս. Ներսես Շնորհալի» շքա-

նշան և սրբատառ կոնդակ՝ ազգային գործիչ և եկեղեցու բարերար Մարգար Մարգարյանին և եկեղեցու երկարամյա դպրապետ Հովհաննես Հաբեյանին, ինչպես նաև օրհնության ու գնահատանքի կոնդակներ՝ Վիենի Ազգային Միության փոխատենապետ Մամրե Ալթունյանին, Սենտ Էտիենի Ազգային Միության պատվո նախագահ Արթին Սարաֆյանին և լիոնահայ ազգային գործիչներ Կարապետ Հովակիմյանին, Պետրոս Գալաքճյանին և Կարապետ Քելեյանին:

Բոլոր պարգևատրվողներն էլ առանձին-առանձին իրենց շնորհակալության որդիական անկեղծ խոսքն են ուղղում Վեհափառ Հայրապետին՝ իրենց այդ բարձր պատվին արժանացնելու համար և մաղթում, որ իրենց հայրերի Աստվածը տակավին երկար և արևոտ տարիներ պարգևի Նորին Սրբությանը ի պայծառություն Ամենայն Հայոց Սուրբ Աթոռի, Հայ Առաքելական Եկեղեցու և ի մխիթարություն համայն հայ հավատացյալ ժողովրդի:

Ճաշկերույթի ընթացքում հայ դասական ու ժողովրդական մի քանի երգերի կատարմամբ հանդես է գալիս եկեղեցու քսանամյա «Կոմիտաս» երգչախումբը:

Երգերով հանդես են գալիս նաև հյուրաբար Լիոնում գտնվող, Երևանի Կոմիտասի անվան պետական երաժշտանոցի շրջանավարտներ՝ կանադահայ երգիչ Դավիթ Վարժապետյանը և երգչուհի Մենտուհի Չուլումյանը: Բանաստեղծ Հովհաննես Շիրալի տեղծագործություններից հատվածներ է արտասանում Թորոս Սպիդանյանը:

Ընդունելության վերջում շնորհավորանքի, մաղթանքի և օրհնության խոսքով հանդես է գալիս Տ. Նորվան եպիսկոպոսը:

Ընդունելությունն ավարտվում է սրբազան հոր գոհաբանական աղոթքով, «Պահպանիչ»-ով և խմբովին երգված «Հայր մեր»-ով:

ԶԱՏԻԿ ԱՐԵՂԱ ԱՎԵՏԻՔՅԱՆ

